



13-4

文庫 17  
W123  
4

杜工部集卷之九目錄

○近體詩八十二首

●冬日洛城北謁元元皇帝廟

●贈韋左丞丈濟

●投贈哥舒開府二十韻

●上韋左相二十韻

●奉贈太常張卿二十韻

●敬贈鄭諫議十韻

杜工部集卷之九目錄

玉勾草堂

昭和六十年二月一日  
土岐善磨氏寄贈

010185185821

奉贈鮮于京兆二十韻

贈特進汝陽王二十韻

鄭駙馬宅宴洞中

李監宅

重題鄭氏東亭

題張氏隱居二首

南曹小司寇舅於我太夫人堂下累土  
爲山旁植慈竹

龍門

奉寄河南韋尹丈人

贈李白

與許主簿遊南池

登兗州城樓

劉九法曹鄭瑕邱石門宴集

暫如臨邑至嵒山湖亭奉懷李員外

對雨書懷走邀許簿公

已上人茅齋

房兵曹胡馬

畫鷹

與李白同尋范十隱居

臨邑得舍弟書苦雨河溢因寄此詩

過宋員外之問舊莊

夜宴左氏莊

送蔡希曾都尉還隴右寄高三十五書

記

春日憶李白

贈陳二補闕

寄高三十五書記

送裴二虬作尉永嘉

城西陂泛舟

贈田九判官

贈獻納使起居田舍人

送韋書記赴西安

陪鄭廣文遊何將軍山林十首

重過何氏五首

冬日有懷李白

杜位宅守歲

與源大少府宴漢陂

崔駙馬山亭宴集

九日楊奉先會白水崔明府

贈翰林張四學士

送張二十參軍赴蜀州因呈楊五侍御

陪諸貴公子丈八溝納涼晚際遇雨二

首

白水明府舅宅喜雨

陪李金吾花下飲

贈高式顏

贈比部蕭郎中十兄

九日曲江

承沈八丈東美除膳部員外

奉畱贈集賢院崔子二學士

故武衛將軍挽歌三首

官定後戲贈

九日藍田崔氏莊

崔氏東山草堂

對雪

月夜

遣興

元日寄韋氏妹

春望

憶幼子

一百五日夜對月

杜工部集卷之九目錄終

杜工部集卷之九

○近體詩八十二首天寶末亂及陷賊中作

冬日洛城北謁元元皇帝廟廟有吳道子畫五聖圖

配極元都闕一作高憑虛一作空禁禦一作藥長守祧

嚴具禮掌節鎮非常碧瓦初寒外金莖一氣

旁山河扶繡戶日月近雕梁仙李盤根大猗

蘭奕葉光世家遺一作隨舊史道德付一作冠今

王盡手看前輩吳生遠擅場森羅移地軸妙



絕動宮牆五聖聯

晉作

龍袞千官列

一作雁

行冕旒俱秀發旒旒盡飛揚翠柏深留景紅

梨迴得霜風箏吹玉柱露井凍

英華作動

銀牀身

退卑周室經傳拱漢皇谷神如不死養拙更

何鄉一作方

贈韋左丞丈

濟

左轄頻虛位今年得舊儒相門韋氏在經術

漢臣

一作官

須時議歸前列

吳作列

天倫恨莫俱

鷓原荒宿草鳳沼接亨衢有客雖安命衰容

豈壯夫家人憂几杖甲子混泥途不謂衿餘

力還來謁大巫歲寒仍顧遇日暮且踟躕老

驥思千里飢鷹待一呼君能微感激亦足慰

榛蕪

一云折骨效區區

投贈哥舒開府

翰

二十韻

今代麒麟閣何人第一功君王自神武駕馭

必英雄開府當朝傑論兵邁古風先鋒百勝



一作在畧地一作兩隅空青海無英華傳箭

天山早挂弓廉頗仍走敵魏絳已和戎每惜

河湟棄新兼節制通智謀垂睿英華想出入

冠諸公日月低秦樹乾坤繞漢宮胡人愁逐

北宛馬又從東受命邊沙一作遠歸來御席

同軒墀曾寵鶴畋獵舊非熊茅土加名數山

河誓始終策行遺英華戰伐契合動昭融勳

業青冥上交親氣槩中未為朱履客已見一作

是

白頭翁壯節初題柱生涯獨轉蓬幾年春

草歇今日暮途窮軍事畱孫楚行間識呂蒙

一云鄉曲輕周防身一長劍將欲倚崆峒一

處將軍拔呂蒙

上韋左相二十韻見素

鳳歷軒轅紀龍飛四十春八荒開壽域一氣

轉洪鈞霖雨思賢佐丹青憶老一作直臣應

圖求駿馬驚代得麒麟沙汰江河濁調和鼎

鼎新韋賢初相漢范叔已歸秦盛業今如此  
 傳經固絕倫豫樟深出地滄海闊無津北斗  
 司喉舌東方領搢紳持衡留藻鑑聽履上星  
 辰獨步才超古餘波德照隣一云餘陰照北隣聰明  
 過管輅尺牘倒陳遵豈是池中物由來席上  
 珍廟堂知至理風俗盡還淳才傑俱登用愚  
 蒙但隱淪長卿多病久子夏索居頻回首驅  
 流俗生涯似衆人巫咸不可問鄒魯莫容身  
 感激時將晚蒼茫興有神爲公歌此曲涕淚  
 在衣巾

奉贈太常張卿二十韻 均

方丈三韓外崑崙萬國西建標天地闊詣絕  
 古今迷氣得神仙迴恩承雨露低相門清議  
 衆儒術大名齊軒冕羅天一作高闕琳琅識介  
 珪伶官詩必誦夔樂典猶稽健筆凌鸚鵡銛  
 鋒瑩鷓鴣友于皆挺拔公望各端倪通籍踰

青瑣亭衢照紫泥，靈虬傳夕箭，歸馬散霜蹄。  
 能事聞重譯，嘉暮及遠黎，弼諧方一展，班序  
 更何躋，適越空顛躑，遊梁竟慘悽，謬知終畫  
 虎，微分是醯鷄，萍泛一作跡無休日，桃陰想舊  
 蹊，吹噓人所羨，騰躍事仍睽，碧海真難涉，青  
 雲不可梯，顧深慙一作忘鍛鍊，才小辱提攜，檻  
 束哀猿叫，一作巧枝驚夜鵲棲，幾時陪羽獵，應  
 指釣璜溪。

敬贈鄭諫議十韻

諫官非不達，詩義早知名，破的由來事，先鋒  
 孰敢爭，思飄雲物外，一作動律中鬼神驚，毫髮  
 無遺恨，波瀾獨老成，野人寧得所，天意薄浮  
 生，多病休儒服，冥搜信客旌，築居仙縹緲，旅  
 食歲崢嶸，使者求顏闔，諸公厭禰衡，將期一  
 諾一作語重歛，使寸心傾，君見途窮哭，宜憂阮  
 步兵。

奉贈鮮于京兆二十韻

王國稱多士，賢良復幾人。異才應間出，一作世

爽氣必殊倫。始見張京兆，宜居漢近臣。驂騑

開道路，雕鸞離風塵。侯伯知何等，刊作文章

實致身。奮飛超等級，容易失沉淪。脫畧礚溪

釣，操持郢匠斤。雲霄今已逼，台袞更誰親。鳳

穴雛皆好，龍門客又新。義聲紛感激，敗績自

逡巡。途遠一作承欲何向，天高難重陳。學詩猶

孺子，一云子夏鄉賦念一作忝嘉賓。不得同晁錯，吁

嗟後邳洗。計疎疑翰墨，時過憶松筠。獻納紆

皇眷，中間謁紫宸。且隨諸彥集，方覲薄才伸。

破膽遭前政，陰謀獨秉鈞。微生需忌刻，萬事

益酸辛。交合丹青地，恩傾雨露辰。有儒愁餓

死，早晚報平津。

贈特進汝陽王二十韻

特進羣公表，天人夙德升。霜蹄千里駿，風翮

九霄鵬服禮求毫髮推一作忠忘寢興聖情

常有眷朝退若無憑仙醴醴一作來一作浮蟻

奇毛或賜鷹清關塵不雜中使日相乘晚節

嬉遊簡平居孝義稱自多親棣萼誰敢問山

陵學業醇儒富辭一作華哲匠能筆飛鸞聳

立章罷鳳騫騰精理通談笑忘形向友朋寸

長一作堪繾綣一諾豈驕矜已忝歸曹植何

知對李膺招要恩屢至崇重力難勝披霧初

歡夕高秋爽氣澄樽罍臨極浦鳧雁宿張燈

花月窮游宴炎天避鬱蒸硯寒金井水簷動

玉壺冰瓢飲唯三逕巖棲在百層陳作巖居

且魯作持蠡測海况挹酒如澠鴻寶寧全秘

丹梯庶可凌淮王門有一作客終不媿孫登

鄭駙馬宅宴洞中

主家陰洞細烟霧留客夏簟清一作琅玕春

酒盃濃琥珀薄冰漿椀碧瑪瑙寒悞疑茅堂

一作屋過江麓一云江底已入風磴靈雲端自是秦

樓壓鄭谷時聞雜佩聲珊珊

李監宅

尚覺王孫貴豪家意頗濃屏開金孔雀褥隱  
繡芙蓉且食雙魚美誰看異味重門闌多喜  
色女堦近乘龍

重題鄭氏東亭

在新安界

華亭入翠微秋日亂清暉崩石欹山樹清漣  
曳水衣紫鱗衝岸躍蒼隼護巢歸向晚尋征  
路殘雲傍馬飛

題張氏隱居二首

春山無伴獨相求伐木丁丁山更幽澗道餘  
寒歷冰雪石門斜日到林邱不貪夜識金銀  
氣遠害朝看麋鹿遊乘興杳然迷出處對君  
疑是泛虛舟

之子時相見邀人晚與留霽

一作濟

潭鱣發發

春草鹿呦呦，杜酒偏勞勸。張梨不外求，前村山路險。歸醉每無愁。

天寶初，南曹小司寇舅於我太夫人堂下，累土爲山，一匱盈尺，以代彼朽木。承諸焚香瓷甌，甌甚安矣。旁植慈竹，蓋茲數峯，嶽岑嬋娟，宛有塵外數一本無致。乃不知興之所至，而作是詩。

一匱功盈尺，三峯意出羣。望中疑在野，幽處欲生雲。慈竹春陰覆，香爐曉勢分。惟南將獻壽，佳氣日氛氲。

### 龍門

龍門橫野斷，驛樹出城來。氣色皇居近，金銀佛寺開。往還時屢改，川水一作陸日悠哉。相閱征途上，生涯盡幾迴。

奉寄河南韋尹丈人

甫敝廬在偃師，承韋公頻有訪問，故

有下句

有客傳河尹，逢人問孔融。青囊仍隱逸，章甫  
尚西東。鼎食分一作門戶，詞場繼國風。尊榮  
瞻地絕，疎放憶途窮。濁酒尊陶令，丹砂訪葛  
洪。江湖漂短一作襜，褐霜雪滿飛蓬。牢落乾坤  
大，周流一作道術空。謬慙知薊子，真怯笑揚  
雄。盤錯神明懼，謳歌德義豐。尸鄉餘土室，難  
說祝雞翁。一云誰話

贈李白

秋來相顧尚飄蓬，未就丹砂媿葛洪。痛飲狂  
歌空度日，飛揚跋扈為誰雄。

與任城許主簿遊南池

秋水通溝洫，城隅進小船。晚涼草堂本看洗  
馬，森木亂鳴蟬。菱熟經時一作雨，蒲荒八月  
天。晨朝降白露，遙憶舊青氊。

登兗州城樓

東郡趨庭日，南樓縱目初。浮雲連海嶽，一作



平野入青徐，孤嶂秦碑在。荒城魯殿餘，從來多古意。臨眺獨躊躇。

劉九法曹鄭瑕邱石門宴集

秋水清無底，蕭然淨客心。掾曹乘逸興，鞍馬去相尋。一云到荒林能吏逢聯壁，華筵直一金。晚來橫吹好，泓下亦龍吟。一云尊酒宜如此人歲相顧，一悲吟

暫如臨邑，至嵒山湖亭奉懷李員外率

爾成興

野亭逼湖水，歇馬高林間。鼉吼風奔浪，魚跳日映山。暫遊阻詞伯，却望懷青關。靄靄生雲霧，唯應促駕還。

對雨書懷走邀許十一簿公

東岳雲峯起，溶溶滿太虛。震雷翻幕鷲，驟雨落河溪一作魚。座對賢人酒，門聽長者車。相邀愧泥濘，騎馬到堦除。

已上人茅齋

已公茅屋下，可以賦新詩。  
枕簟入林僻，茶瓜留客遲。  
江蓮搖白羽，天棘夢青絲。  
空忝許詢輩，難酬支遁詞。

房兵曹胡馬詩

胡馬大宛名，鋒稜瘦骨成。  
竹批雙耳峻，風入四蹄輕。  
所向無空闊，真堪託死生。  
驍騰有如此，萬里可橫行。

畫鷹

素練風一作如霜起，蒼鷹畫作殊。  
攫身思狡兔，側目似愁胡。  
條鏃光堪擿，軒楹勢可呼。  
何當擊凡鳥，毛血灑平蕪。

與李十二白同尋范十隱居

李侯有佳句，往往似陰鏗。  
余亦東蒙客，憐君如弟兄。  
醉眠秋共被，携手日一作月同行。  
更想幽期處，還尋北郭生。  
入門高興發，侍立小童

清落景聞寒杵屯雲對古城向來吟橘頌誰  
欲討尊羹不願論簪笏悠悠滄海情

臨邑舍弟書至苦雨黃河泛溢隄防之  
患簿領所憂因寄此詩用寬其意

二儀積風雨百谷漏波濤聞道洪河坼遙一作  
連滄海高職思一作憂悄悄郡國訴嗷嗷

舍弟界棲邑防川領簿曹尺書前日至版築  
不時操難假黿鼉力空瞻烏鵲毛燕南吹賦

敵濟上沒蓬蒿螺蚌滿近郭蛟螭乘九臯徐  
關深水府碣石小秋毫白屋畱孤樹青天一作

雲矢一作萬艘吾衰向泛梗利涉想蟠桃倚  
一作賴天涯釣猶能掣巨鼈

過宋員外之問舊莊員外季弟執金吾  
見知于代故有下

宋公舊池館零落守首一云陽阿枉道祇從入

吟詩許更過淹畱問耆老寂寞向山河更識

將軍樹悲風日暮多

夜宴左氏莊

風林晉作林風纖月落衣露淨琴張暗水流花徑

春星帶草堂檢書燒燭短看一作說劍一作煎茗引

孟長詩罷聞吳詠扁舟意不忘

送蔡希曾一作魯都尉還隴右因寄高三

十五書記時哥舒入秦勒蔡了先歸

蔡子勇成癖彎弓西射胡健一作男兒寧鬪死

壯士恥為儒官是先鋒得材緣挑徒了戰須

身輕一鳥過槍急萬人呼雲幕隨開府春城

赴一作入上都馬頭金狎恰一作匿駝背錦糶糊

咫尺雲荆作雪山路一云自至青雲外歸飛青一作西海

隅上公猶荆作獨寵錫突將且前驅漢使黃河

遠涼州白麥枯因君問消息好在阮元瑜

春日憶李白

白也詩無敵一作數飄然思不羣清新庾開府

俊逸鮑參軍渭北春天樹江東日暮雲何時  
一尊酒重與細論文一作話斯文

贈陳二補闕

世儒多汨沒夫子獨聲名獻納開東觀君王  
問長卿卓犖寒始音試急天馬老能行自到青  
冥裏休看白髮生

寄高三十五書記適

歎惜高生老新詩日又多美名人不及佳句  
法如何主將收才子崆峒足凱歌聞君已朱  
紱且得慰蹉跎

送裴二虬作尉永嘉

孤嶼亭何處天涯水氣中故人官就此絕境  
興一作與誰同隱吏逢梅福遊山憶謝公扁舟  
吾已就一作具把釣待秋風一云扁舟吾已買只是待秋風

城西陂泛舟

青蛾皓齒在樓船橫笛短簫悲遠天春風自

信牙檣動遲日徐看錦纜牽魚吹細浪搖歌

一作扇鷺蹴飛花落舞筵不有小舟能盪漿

解焚作百壺那送酒如泉

贈田九判官 梁邱

崆峒使節上青霄河隴降王欵聖朝宛馬總

肥春 或作秦苜蓿將軍只數漢 一作霍嫖姚陳畱

阮瑀誰爭長京兆田郎早見招麾下賴君才

竝入獨能無意向漁樵

贈獻納使起居田舍人 滄

獻納司存雨露邊 一作編地分清切任才賢舍

人退食收封事宮女開函近 一作捧御筵曉漏

追飛 刊作趨吳亦作趨青瑣闥晴窻點檢白雲篇揚

雄更有河東賦唯待吹噓送上天

送韋書記赴安西

夫子歛通貴雲泥相望懸白頭無籍在朱紱

有哀憐書記赴三捷 一作接公車畱二年欲浮

江海去此別意蒼一作然

陪鄭廣文遊何將軍山林十首

不識南塘路今知第五橋名園依綠水野竹  
上青霄谷口舊相得濠梁同見招平生為幽  
興未惜馬蹄遙

百頃風潭上千重草堂本作章夏木清昇枝低結

子接葉暗巢鷺鮮鯽銀絲鱠香芹碧澗羹翻  
疑樞樓底晚飯越中行

萬里戎王子何年別且支異花開絕域滋蔓

匝清池漢使徒空到神農竟不知露翻兼雨

打開拆日荆作漸離披

旁舍連高竹疎籬帶晚花漲渦深沒馬藤蔓

曲藏一作垂蝨詞賦工無一作何益山林跡未賒

盡蔡夢弼正作拈拾書籍賣來問爾東家

剩水滄江破殘山礪石開綠垂風折筍紅綻

雨肥梅銀甲彈箏用金魚一作非換酒來興移

無酒掃隨意坐莓苔

風磴吹陰一作梅雪雲門吼瀑泉酒醒思臥簾

衣冷欲一作得裝綿野老來看客河魚不取錢

只疑淳朴處自有一山川

棘刊作棘樹寒雲色茵陳春藕香脆添生菜美

陰益一作蓋食單涼野鶴清晨出一作至山精白

日藏石林蟠水府百里獨蒼蒼

憶過楊柳渚走馬定比池醉把青荷葉狂遺

白接羅刺七亦切船思郢客解水乞吳兒坐對

秦山晚江湖興頗隨

牀上書連屋階前樹拂雲將軍不好武稚子

總能文醒酒微風入聽詩靜夜分絺衣挂蘿

薜涼月白紛紛

幽意忽不愜歸期無奈何出門流水注一作住

迴首白雲多一作花多自笑燈前舞誰憐醉後

歌祗應與朋好風雨亦來過



重過何氏五首

問訊東橋竹將軍有報書  
倒衣還命駕高枕乃吾廬  
花妥川作墮川作鴛捐蝶溪喧獺趁魚重來

休沐地真作野人居

山雨樽仍在沙沉榻未移  
犬迎曾宿客吳曾漫錄

顧陶本作犬鴉護落巢兒  
雲薄翠微寺天清

一作履黃子陂向來幽興極  
步屣一作履過東

雜錄

落日平臺上春風啜茗時  
石闌斜點照一云筆

桐葉坐題詩翡翠鳴衣桁  
蜻蜓立釣絲自今

幽興熟一云自逢來往亦無期

頗怪朝叅懶應耽野趣長  
雨拋金鎖甲苔臥

綠沉槍手自移蒲柳家  
纔足稻梁看君用幽

意白日到羲皇

到此應常宿相畱可判年  
蹉跎暮容色一作

悵望好林泉何路一作霑微祿  
歸山買薄田

斯遊

一作終身

恐不遂把酒意茫然

冬日有懷李白

寂寞書齋裏終朝獨爾思更尋嘉樹傳不忘

角弓詩短

刊作

褫風霜入還丹日月遲未因

乘興去空有鹿門期

杜位宅守歲

守歲阿戎

刊作

家椒盤已頌花盞簪喧櫪馬

列炬散林鴉四十明朝過飛騰暮景斜誰能

更拘束爛醉是生涯

與鄆縣源大少府宴漢陂

得寒字

應為西陂好金錢罄一餐飯抄雲子白瓜嚼

水精寒無計迴船下空愁避酒難主人情爛

熨持荅翠琅玕

崔駙馬山亭宴集

蕭史幽棲地林間踏鳳毛泆流何處入亂石

閉門高客醉揮金椀詩成得繡袍清秋多宴

會

一云賞藥

終日困香醪

九日楊奉先會白水崔明府

今日潘懷縣同時陸浚儀坐開桑落酒來把  
菊花枝天宇清霜淨公堂宿霧披晚酣畱客  
舞鳧舄共差池

贈翰林張四學士

翰林逼華蓋鯨力破滄溟天上張公子宮中  
漢客星賦詩拾翠殿佐酒望雲亭紫誥仍兼  
縮黃麻似六經內分頌魯作金帶赤恩與荔枝  
青無復隨高鳳空餘泣聚螢此生任春草垂  
老獨漂萍儻憶山陽會悲歌在一聽

送張二十參軍赴蜀州因呈楊五侍御

好去張公子通家別恨添兩行秦樹直萬點  
一作蜀山尖御史新驄馬參軍舊紫髯皇華  
吾善處於汝定無嫌

陪諸貴公子丈八溝携妓納涼晚際遇

雨二首

落日放船好，輕風生浪遲。竹深留客處，荷淨納涼時。公子調冰水，佳人雪藕絲。片雲頭上黑，應是雨催詩。

雨來霑席上，風急

一作惡

打船頭。越女紅裙濕

燕姬翠黛愁，纜侵隄柳繫。幔宛

一作卷

浪花浮

歸路翻蕭颯，陂塘五月秋。

白水明府舅宅喜雨

得過字

吾舅政如此，古人誰復過。碧山晴又濕，白水雨偏多。精禱既不昧，歡娛將謂何。湯年旱頗甚，今日醉絃歌。

陪李金吾花下飲

勝地初相引，余

一作徐

行得自娛。見輕吹烏毳

隨意數花鬚，細草稱偏

一作偏稱

坐。香醪嬾再沽

醉歸應犯夜，可怕李金吾。

贈高式顏

昔別是人一作何處相逢皆老夫故人還寂寞  
削跡共艱虞自失論文友空知賣酒壚平生  
飛動意見爾不能無

贈比部蕭郎中十兄

甫從姑子也

有美生人傑由來積德門漢朝丞相系梁日  
帝王孫蘊藉爲郎久魁梧秉哲尊詞華傾後  
輩風雅藹孤鶩宅相榮姻戚兒童惠討論見  
知真自幼謀拙醜一作諸昆漂蕩雲天闊沉

埋日月奔致君時已晚懷古意空存中散山  
陽鍛愚公野谷村寧紆長者轍歸老任乾坤

九日曲江

綴席茱萸好浮舟菡萏衰季秋時欲半

刊作百年

秋已半九日意兼悲江水清源曲荆門此路疑  
晚來高興盡搖蕩菊花期

承沈八丈東美除膳部員外阻雨未遂  
馳賀奉寄此詩

本集卷之九

今日西京掾多除南省郎府掾四人同日拜郎通家惟

沈氏謁帝似馮唐詩律羣公問儒門舊史長

清秋便寓直列宿頓輝光未暇申宴一作慰

含情空激揚司存何所比膳部默悽傷甫大父昔

任此官貧賤人事累經過霖潦妨禮同諸父長

恩豈布衣忘天路牽騏驎雲臺引棟梁徒懷

貢公喜颯颯鬢毛蒼

奉留贈集賢院崔子二學士國輔休烈

昭代將垂白途窮乃叫閭氣衝星象表詞感

帝王尊天老書題目春官驗討論倚風遺鴉

路隨水到龍門竟與蛟螭雜空聞一作寧聞一作寧無

鷺雀喧青冥猶契闊一云連陵厲不一云飛

翻儒術誠難起家聲庶已存故山多藥物勝

槩憶桃源欲整還鄉旆長懷禁掖垣謬稱三

賦在難述二公恩甫獻三大禮賦出

故武衛將軍挽歌三首

本集卷之九

玉勾草堂

本集卷之九  
相身卷之九

嚴警當寒夜前軍落大星壯夫思感陳作決

哀詔惜精靈王者今無戰書生已勒銘封侯

意疎闊編簡為誰青

舞劍過人絕鳴弓射獸能銛鋒行愜順猛噬

失躑騰赤羽一作雨千夫膳黃河十月冰橫行

沙漠外神速至今稱

哀挽青門去新阡絳水遙路人紛雨泣天意

颯風颭部曲精仍銳匈奴氣不驕無由觀雄

畧大樹日蕭蕭

官定後戲贈時免河西尉為右衛率府兵曹

不作河西尉淒涼為折腰老夫怕趨走率府

且逍遙耽酒須微祿狂歌託聖朝故山歸興

盡迴首向風颭

九日藍田崔氏莊自此已後詩十首沒賊時作

老去悲秋強自寬興來今一作終日盡君歡羞

將短髮還吹帽笑倩旁人為正冠藍水遠從

士集卷之九  
玉勾草堂

千澗落玉山高竝兩峯寒明年此會知誰健  
一云醉一再把茱萸子細看

崔氏東山草堂

愛汝玉山草堂靜高秋爽氣相一作多鮮新有  
時自發鐘磬響落日更見漁樵人盤剝白鴉  
谷口粟飯煮青泥坊底芹何爲西莊王給事  
柴門空閉鎖一作好松筠

對雪

戰哭多新鬼愁吟獨老翁亂雲低薄暮急雪  
舞迴風瓢棄一作飄樽無綠爐存火似紅數州  
消息斷愁坐正書空

月夜

今夜鄜州月閨中只獨看遙憐小兒女未解  
憶長安香霧雲鬟濕清輝玉臂寒何時一云當  
倚虛幌雙照淚痕乾

遣興



驥子好男兒前年學語時問知人客姓誦得  
老夫詩世亂憐渠小家貧仰母慈鹿門攜不  
遂雁足繫難期一云鹿門攜有處鳥道去無期天地軍麾滿  
山河戰角悲儻一作東歸免相失見日一作爾敢  
辭遲

元日寄韋氏妹

近聞韋氏妹迎在漢鍾離郎伯殊方鎮京華  
舊國移春城迴北斗郢樹發南枝不見朝正  
使啼痕滿面垂

春望

國破山河在城春草木深感時花濺淚恨別  
鳥驚心烽火連三月家書抵萬金白頭搔更  
短渾欲不勝簪

憶幼子

字驥子時隔絕在鄜州

驥子春猶隔鶯歌煖正繁別離驚節換聰慧  
與誰論澗水空山道柴門老樹村憶渠

愁只剗作

睡炙背俯晴軒

一百五日夜對月

無家對寒食有淚如金波斫却

顧陶本作折盡

月中

桂清光應更多此離放紅藥想像嘖青蛾

晉作

娥牛女漫愁思秋期猶渡河

杜工部集卷之九

杜工部集卷之十目錄

近體詩一百二十四首

喜達行在所三首

得家書

奉贈嚴八閣老

奉送郭中丞兼太僕卿充隴右節度使

送楊六判官使西蕃

月

本集卷一 目錄  
留別賈嚴二閣老兩院補闕

晚行口號

獨酌成詩

行次昭陵

重經昭陵

喜聞官軍已臨賊寇二十韻

收京三首

臘日

紫宸殿退朝口號

曲江二首

曲江對酒

曲江對雨

早朝大明宮 賈至

和賈至舍人早朝大明宮

同前 王維 岑參

宣政殿退朝晚出左掖

題省中院壁

春宿左省

送翰林張司馬南海勒碑

晚出左掖

曲江陪鄭八丈南史飲

送賈閣老出汝州

鄭駙馬池臺喜遇鄭廣文同飲

送鄭虔貶台州司戶

題鄭十八著作虔

端午日賜衣

贈畢四

酬孟雲卿

奉贈王中允維

奉陪鄭駙馬韋曲二首

寄左省杜拾遺

岑參

奉荅岑參補闕見贈

送許八拾遺歸江寧覲省

因許八奉寄江寧夏上人

至德二載自京金光門出乾元初有悲

往事

寄高三十五詹事

路逢襄陽楊少府入城戲呈楊員外綰

題鄭縣亭子

望岳

至日遣興奉寄北省舊閣老兩院故人

二首

得弟消息二首

憶弟二首

得舍弟消息

秦州雜詩二十首

月夜憶舍弟

宿贊公房

本集卷之九  
目錄

東樓

雨晴

寓目

山寺

卽事

遣懷

天河

初月

歸鷺

擣衣

促織

螢火

蒹葭

苦竹

除架

廢畦

本集卷之九

五

玉勾草堂

杜集卷一目錄

夕烽

秋笛

送遠

觀兵

不歸

天末懷李白

獨立

日暮

空囊

病馬

蕃劍

銅瓶

觀西安兵過赴關中待命二首

送人從軍

野望

示姪佐

杜集卷一目錄

六

玉勾草堂

本集卷之九  
木集卷之九  
佐還山後寄三首

從人覓小胡孫許寄

秋日阮隱居致薤三十束

秦州見勅目除薛三璩畢四曜兼述索

居

寄彭州高使君適虢州岑長史參三十

韻

寄岳州賈司馬巴州嚴使君兩閣老五

十韻

寄張十二山人彪三十韻

寄李十二白二十韻



杜工部集卷之十目錄終

杜工部集卷之十

近體詩一百二十四首

避賊至鳳翔及收復京師在諫省出

華州轉至秦州作

喜達行在所三首

自京窺至鳳翔

西憶岐陽信無人遂却迴眼穿當

一作落日

心死著寒灰霧

一作茂

樹行相引蓮峰

一作望

忽一作或

開所親驚老瘦辛苦賊中來

愁一作秋

思胡笳夕淒涼漢苑春生還今日事

聞道暫時人司隸章初親南陽氣已新喜心

翻倒極嗚咽淚一作涕霑巾

死去憑誰報歸來始自憐猶瞻太白雪喜遇

武功天影靜千官一作門裏心蘇七校前今朝

漢社稷新敷中張仲興年反

得家書

去憑遊客寄汝騎來為附家書今日知消

息他鄉且舊居熊兒幸無恙驥子最憐渠臨

老羈孤極傷時會合疎二毛趨帳殿一命侍

鸞輿北闕妖氛滿西郊白露初涼風新過雁

秋雨欲生魚農事空山裏眷言終荷鋤終篇

言荷鋤

奉贈嚴八閣老

扈聖英華作扈從登黃閣明公獨妙年蛟龍

得雲雨鵬鶚在秋天客禮容疎放官曹可一作

許接聯新詩句句好應任老夫傳

奉送郭中丞兼太僕卿充隴右節度使

三十韻 英父

詔發西山 一作山西 將秋屯 一作營 隴右兵淒涼餘

部曲輝 一作煇 赫舊家聲 鵬鶚乘時去 驂驪顧

主鳴艱難須 一作思 上策容易即前程 斜日當

軒蓋高 一作歸 風卷旆旌松 悲天水冷沙亂雪

山清和虜猶懷惠 防邊不 一作諫 敢驚古來於

異域鎮靜示 一作得 專征燕薊奔封豕 周秦

駭鯨中原何慘贖 餘 一作遺 孽尙縱橫 箭入昭

陽殿笳吟細柳營 內人紅袖泣 一作短 王子白

衣行宸極祇星動 一作大 園陵 一作林 殺氣平空

餘金椀出無復總 帷輕毀廟天飛雨焚宮火

徹明罟罟朝共落 榆桷夜同傾 三月師逾整

羣胡 一作兇 勢就烹瘡痍 一作蒸 承親接戰勇決 一作

餘冠垂成妙譽期 元宰殊恩且列卿 幾時迴

節鉞戮力掃攬搶 圭竇 一作蓬 三千士雲梯 七

士集卷之二十一 三 玉勾草堂

木身卷之二

十城耻非齊說客祗荆作似魯諸生通籍微

班黍周行獨坐榮隨肩趨漏刻短髮寄一作

簪纓徑欲依劉表還疑一作無厭禰衡漸衰那

一作寧此別忍淚獨含情廢邑狐狸語空村虎

豹爭人頻墜塗炭公豈忘精誠元帥調新律

一作鼎前軍壓舊京安邊仍扈從莫作一作無使後

功名

送楊六判官使西蕃

送遠秋風落西征海氣寒帝京氛祲滿人世

別離難絕域遙懷怒和親願結歡勅書憐贊

普兵甲望長安宣命一作前程急惟良待士

寬子雲清自守今日起為官垂淚方投筆傷

時即據鞍儒衣山鳥怪漢節野童看邊酒排

金盞一作夷歌捧玉盤草輕一作蕃馬健雪

重拂廬乾慎爾參籌畫從茲正羽翰歸來權

可取九萬一朝搏

七集卷之二

四 玉勾草堂

月

天上秋期近，人間月影清。入河蟾不沒，擣藥兔長生。只益丹心苦，能添白髮明。干戈知滿地，一作休照國西營。

留別賈嚴二閣老兩院補闕

得雲字 賈至嚴武

一作兩院 遺補諸公

田園須暫往，戎馬惜離羣。去遠留詩別，愁多任酒醺。一秋常苦雨，今日始無雲。山路時一作

聒吹角一作那堪處處聞

晚行口號

三川不可到，歸路晚山稠。落雁浮寒水，饑鳥集戍樓。市朝今日異，喪亂幾時休。遠媿梁江總，還家尚黑頭。

獨酌成詩

燈花何太喜，酒綠一作正相親。醉裏從爲客，詩成覺有神。兵戈猶在眼，儒術豈謀身。共一作

苦被微官縛低頭媿野人

行次昭陵

舊俗疲庸主羣雄問獨夫  
識歸龍鳳質威定  
虎狼都天屬尊堯典神功協禹謨  
風雲隨絕一作是日月繼享  
高衢文物多師古朝廷  
半老儒直詞寧戮辱賢路不崎嶇  
往者灾猶降蒼生喘未蘇  
指麾安率土盪滌撫洪鑪  
壯士悲陵邑幽人拜鼎湖  
玉衣晨自舉鐵英華作石

馬汗常趨松柏瞻虛一作靈殿塵沙立暝一作暗

途寂寥開國日流恨滿山隅

重經昭陵

草昧英雄起謳歌歷數歸風塵三尺劍社稷  
一戎衣翼亮貞文德丕承戢武威聖圖天廣  
大宗祀日光輝陵寢盤空曲熊羆守翠微再  
窺松柏路還見草堂作有五雲飛

喜聞官軍已臨賊寇二十韻

胡虜一作騎潛京縣官軍擁賊壕鼎魚猶假息

穴蟻欲何逃帳殿羅元冕轅門照白袍秦山

當警蹕漢苑入旌旄路失一作濕羊腸險雲橫

雉尾高五原空壁壘八水散風濤今日看天

意遊魂貸爾曹乞降那更得尙詐莫徒勞元

帥歸龍種司空握一作擁豹韜前軍一作旌蘇武

節左將呂虔刀兵氣回飛鳥威聲沒巨鼇戈

鋌開雪色弓矢尙一作晉作秋毫天步艱方盡時

和運更遭誰云遺一作貴毒螫一作蔓已是沃腥

臊瘠想一作思丹墀近神行羽衛牢花門騰絕

漠拓羯渡臨洮此輩感恩至羸俘何足操鋒

先衣染血騎突劒吹毛喜覺都城動悲憐一作吳

連子女號家家賣釵釧只待獻春醪

收京三首

仙仗離丹極妖星照玉除須爲下殿走不可

好樓居一作云得非羣盜暫屈汾陽駕聊飛燕

起難作九重居

七 玉勾草堂

將書依然七廟畧更與萬方初

生意甘衰白天涯正寂寥忽聞哀痛詔又下

聖明朝羽翼懷一作慙商老文思憶帝堯叨逢

罪己日霑灑一作洒涕望青霄

汗馬收宮闕春城鏟賊壕賞應歌杖杜歸及

薦櫻桃雜虜橫戈數魯作功臣甲第高萬方

頻一作同送喜無乃聖躬勞

臘日

臘日常年一作年年煖尚遙今年臘日凍全消侵

陵雪色還萱草漏洩春光有柳條縱酒欲謀

良一作長夜醉還家初散一云放紫一云北宸朝口

脂面藥隨恩澤翠管銀罌下九霄

紫宸殿退朝口號

戶外昭容紫袖垂雙瞻御座引朝儀香飄合

殿春風轉花覆千官淑景移晝漏希一作聲聞

高閣報天顏有喜近臣知宮中每出歸東省



會送夔龍集

一作鳳池

曲江二首

一片花飛滅却春風飄萬點正愁人且看欲

盡花經眼莫厭傷多酒入層江上小堂川作棠

巢翡翠花一作苑邊高塚卧麒麟細推物理須

行樂何用晉作事浮名一作榮絆此身

朝回日日典春衣每日江頭盡醉歸酒債尋

常行處有人生七十古來稀穿花蛺蝶深深

見一作舞點水蜻蜓款款一作緩緩飛傳語風光共

流轉暫時相賞莫相違

曲江對酒

苑外江頭坐不歸水精春一作宮殿轉霏微桃

花細逐楊花落一云欲共黃鳥時一作仍兼白

鳥飛縱飲久判人共棄懶朝真與世相違吏

一作含情更覺滄洲遠老大悲傷未拂衣

曲江對雨晉作值雨

士集卷之二

九 玉勾草堂

城上春雲覆苑牆江亭晚色靜年一作天芳林

花著雨燕脂一作支落水荇牽風翠帶長龍武

新軍深一作經駐輦芙蓉別殿謾焚香何時詔

一作重此金錢會暫一作爛醉佳人錦瑟旁

早朝大明宮呈兩省寮友

賈至

銀燭朝天紫陌長禁城春色曉蒼蒼千條弱

柳垂青瑱百轉流鶯滿建章劔珮聲隨玉墀

步衣冠身染御鑪香共沐恩波鳳池裏朝朝

染翰侍君王

奉和賈至舍人早朝大明宮舍人先世嘗掌絲綸

五夜漏聲催曉箭九重天一作天春色醉仙桃旌

旗日煖龍蛇動宮殿風微鶯雀高朝罷香煙

攜滿袖詩成珠玉在揮毫欲知世掌絲綸美

池上于一作如今有一作得鳳毛

同前 王維

絳幘雞人報一作送曉籌尚衣方進翠雲裘  
九天闔闔開宮殿萬國衣冠拜冕旒  
日色纔臨仙掌動香烟欲傍袞龍浮  
朝罷須裁五色詔佩聲歸到鳳池頭

同前

岑參

雞鳴紫陌曙光寒鸞嘒皇州春色草堂作夜闌  
金鑰曉鐘開萬戶玉階仙仗擁千官  
花迎劔佩星初落柳拂旌旗露未乾  
獨有鳳凰池上客

陽春一曲和皆難

宣政殿退朝晚出左掖

天門日射黃金榜春殿晴曛一作熏赤羽旗宮

草微微一云霏霏承委珮鑪烟細細駐遊絲雲近

蓬萊常好一作五色雪殘鷓鴣亦多時侍臣緩

步歸青瑣退食從容出每遲

題省中院壁

掖垣竹埤梧十尋洞門對雷一作雪常陰陰落

北齊書

十一

玉勾草堂

花遊絲白日靜鳴鳩乳鷺青春深腐儒衰晚  
謬通籍退食遲迴違寸心衮職曾無一字補  
許身媿比雙南金

春宿左省

花隱掖垣暮啾啾棲鳥過星臨萬戶動月傍  
九霄多不寢聽金鑰英華作不寐聽金鑰因風想玉珂  
明朝有封事數問夜如何

送翰林張司馬

學士云南海勒碑相國製文

冠冕通南極文章落上台詔從三殿天一云去

碑到百蠻開野館濃花發春帆細雨來不知

滄海上一作使天遣幾時迴

晚出左掖

晝刻傳呼淺春旗簇仗齊退朝花底散歸院  
柳邊迷樓雪融城濕宮雲去殿低避人焚諫  
草騎馬欲雞棲

曲江陪鄭八丈南史飲

雀啄江頭黃柳花  
鷓鴣鷓鴣滿晴沙  
自知白髮非春事  
且盡芳尊戀物華  
近侍即今難浪跡  
此身那得更無家  
丈人文刊作力猶強健  
豈傍青門學種瓜

送賈閣老出汝州

西掖梧桐樹空留  
一院陰艱難歸故里  
去住損春心  
宮殿青門隔雲山  
紫邏深人生五馬  
貴莫受二毛侵

鄭駙馬池臺喜遇鄭廣文同飲

不謂生戎馬何知共酒盃  
然臍郿塢敗握宋景

文作節漢臣回白髮  
千莖雪丹心一寸晉作片

灰別離經死一作此地披寫忽登臺  
重對秦簫

發俱過阮宅一作巷來畱連一作醉畱春夜舞一作席

淚落強一作更徘徊一作夜舞淚落徘徊

送鄭十八虔貶台州司戶傷其臨老陷

賊之故闕爲面別情見于詩

鄭公樗散鬢成一成一絲酒後常稱老畫師萬  
里傷心嚴譴日百年垂死中興時蒼惶一作伶  
已就長途往邂逅無端出餞遲便與先生應  
永訣九重泉路下一作盡交期

題鄭十八著作虔

台州地濶一作僻海冥冥雲水長和島嶼青亂

後一作繼故人雙別淚春深一作飄逐客一浮萍

酒酣懶舞誰相拽詩罷能吟不復聽第五橋

東流恨水皇陂岸北結愁亭賈生對鵬傷王

傅蘇武看羊陷賊庭可念此翁懷一作常直道

也霑新國用輕刑禰衡實恐遭江夏方朔虛

傳是歲星窮巷悄然一作朝車馬絕案頭乾死

讀書螢

端午日賜衣

宮衣亦有名端午被恩榮細葛含風軟香羅

疊雪輕自天題處濕當暑著來清意內稱一云

身怡稱長短終身荷聖情

贈畢四曜

才大今詩伯家貧苦宦卑饑寒奴僕賤顏狀  
老翁為同調嗟誰惜論文笑自知流傳江鮑  
體相顧免無兒

酬孟雲卿

樂極傷頭白更長一作深愛燭紅相逢難流俗本作  
雖袞袞告別莫忽忽但恐天河落寧辭酒盞

空明朝牽世務揮淚各西東

奉贈王中允維

中允聲名久如今契濶深共傳收庾信不比  
得陳琳一病緣明主三年獨此心窮愁應有  
作試誦白頭吟

奉陪鄭駙馬韋曲二首

韋曲花無賴家家惱殺人綠樽雖一作須盡日  
白髮好禁一作傷春石角鈎衣破藤枝一作刺

眼新何時占叢竹頭戴小烏巾  
野寺垂楊裏春蛙亂水間  
美花多映竹好鳥不歸  
山城郭終何事風塵豈駐顏  
誰能共公子薄暮欲俱還

寄左省杜拾遺

岑參

聯步趨丹陛分曹限紫微  
曉隨天仗入暮惹御香歸  
白髮悲花落青雲羨鳥飛  
聖朝無闕事自覺諫書稀

奉荅岑參補闕見贈

窈窕清禁闕罷朝歸不同  
君隨丞相後我往一作非日華東  
冉冉柳枝碧娟娟花蘂紅  
故人得佳句獨一作猶贈白頭翁

送許八拾遺歸江寧觀省甫昔時常客  
遊此縣於許生處乞瓦棺寺維摩圖樣

志諸篇末

詔許辭中禁慈顏赴

樊作拜

北堂

一云天語辭中禁家榮赴



北聖朝新孝理祖席倍輝光一作云行子內一作

贈昂擎偏重宮衣著更香淮陰清一作云夜驛

京口渡江航春隔雞人晝秋期鷺子涼賜書

誇父老壽酒樂城隍一云竹引趨庭曙山添

日賽看畫曾饑渴追蹤恨一作淼茫虎頭金

粟影神妙獨難忘

因許八奉寄江寧旻上人

不見旻公三十年封書寄與淚潸潸一作舊來好

事今能否老去新詩誰與一作傳碁局動隨

尋一作澗竹袈裟憶上泛湖船聞君話我為

官在頭白昏昏只醉眠

至德二載甫自京金光門出問樊作道

歸鳳翔乾元初從左拾遺移華州掾與

親故別因出此門有悲往事

此道昔歸順西郊胡正一作繁至今殘破膽

應一作有未招魂近得一作歸京邑移官豈

遠一作至尊無才日衰老駐馬望千門

寄高三十五詹事適

安穩高詹事兵戈久索居時來如一作宦達

歲晚莫情疎天上多鴻雁池一作中足鯉魚

相看過半百不寄一行書

路逢襄陽楊少府入城戲呈楊員外綰

甫赴華州日許寄員外茯苓一本戲題四韻附呈許員外為求茯苓

寄語楊員外山寒少茯苓歸來稍暄一云暖

當為斲青冥翻動一作神仙一作窟封題鳥

獸形兼將老藤杖扶汝醉初醒

題鄭縣亭子

鄭縣亭子澗之濱戶牖憑高發興新雲斷岳

蓮臨大路一作天晴一作宮一作柳暗長春

巢邊野雀一作羣欺鷺花底山蜂遠趁人更

欲題詩滿青竹晚來幽獨恐傷神

望岳

西岳峻嶒

危稜

竦處尊諸峰羅立

一作列

如一作

似

兒孫安得仙人九節杖挂到玉女洗頭盆

車箱入谷無歸

一作回

路箭栝

一作晉作關

通天有

一門稍待西

吳作秋

風涼冷後高尋白帝問真

源

至日遣興奉寄北省舊閣老兩院故人

一作補遺二首

去歲茲辰捧御牀五更三點入鵷行欲知趨

走傷心地正想氛氲滿眼香無路從容陪語

笑有時顛倒著衣裳何人錯憶

一作認

窮愁日

愁日愁隨

刊作日愁隨

一線長

憶昨逍遙供奉班去年今日侍龍顏麒麟不

動鑪烟上孔雀徐開扇影還玉几

一作座

由來

天北極朱衣只在殿中間孤城此日堪腸斷

愁對寒雲雪

一作白

滿山

得弟消息二首

近有平陰信遙憐舍弟存側身千里道寄食  
一家村烽舉新酣戰啼垂舊血痕不知臨老  
日招得幾人一作魂  
汝懦歸無計吾衰往未期浪傳烏鵲喜深負  
鵲鴿詩生理何顏面憂端且歲時兩京三十  
口雖在命如絲

憶弟二首

時歸在南  
陸渾莊

喪亂聞吾弟饑寒傍濟州人稀吾一作書不到

兵在見何由憶昨狂催走無時病去憂即今  
千種恨惟共水東流

且喜河南定不問鄴成圍百戰今誰在三年  
望汝歸故園花自發春日鳥還飛斷絕入烟  
久東西消息稀

得舍弟消息

亂後誰歸得他鄉勝故鄉直一作若爲心厄苦  
久念一作得與一作汝存亡汝書猶在壁汝妾一作

室已辭房舊犬知愁恨垂頭傍我牀

秦州雜詩二十首

滿目悲生事因人作遠遊遲迴度隴怯浩蕩

及一作入關愁水落魚龍夜山空一作通鳥鼠秋

西征問烽火心折此淹留

秦州山一作城北寺勝跡一作傳是隗囂宮苔蘚山

門古一作故丹青野殿空月明垂葉露雲逐渡

溪風清滑無情極愁時獨向東

州圖領同谷驛道出流沙降虜兼千帳居人

有萬家馬騎珠一作朱汗落胡舞白蹄一作題斜

年少臨洮子一作至西來亦自誇

鼓角緣邊郡川原欲夜時秋聽殷地發風散

入雲悲抱葉寒蟬靜歸來一作山獨鳥遲萬方

一作年聲一槩吾道竟何之

南使宜天馬由來萬匹強浮雲連陣沒秋草

徧一作滿山長聞說真龍種仍殘一作空餘老驕驕

哀鳴思戰鬪迴立向蒼蒼

城上胡笳奏山邊漢節歸防河赴滄海奉詔

發金微一作嶽士苦形骸黑旌疎鳥獸稀那聞

堪一作往來戍恨解鄴城圍一作旌一作林

莽莽萬重山孤城山一作石谷間無風雲出塞

不夜月臨關屬國歸何晚樓蘭斬未還烟塵

獨一作長望衰颯正摧一作云顏

聞道尋源使從天此路迴牽牛去幾許宛馬

至今來一望幽燕隔何時郡國開東征健兒

盡羌笛暮吹哀

今日明人眼臨池好驛亭叢篁低地碧高柳

半天青稠疊多幽事喧呼閱使星老夫如有

此不異在郊垆

雲氣接崑崙淅淅塞雨繁羌童看渭水使一作

佑客向一作尚河源烟火軍中幕牛羊嶺上村

所居秋草淨正閉小蓬門

本集卷之二

蕭蕭古塞冷漠漠秋雲低黃鵠翅垂雨蒼鷹

饑啄泥薊門誰自北漢將獨征西不意書生

耳一作臨衰厭見一作鼓鞞

山頭南一云東郭寺水號北流泉老樹空庭得

清渠一邑傳秋花危石底晚景卧鐘邊一作前

俛仰悲身世溪風為颯一作然

傳道東柯谷深藏數十家對門藤葢瓦映竹

水穿沙瘦地翻宜粟陽坡可種瓜舩人近相

報但恐失桃花

萬古仇池穴潛通小有天神魚人不見福地

語真傳近接西南境長懷十九泉何時一作當

一茅屋送老白雲邊

未暇泛滄海悠悠兵馬間塞門風落木一云塞風

寒落木客舍雨連山阮籍行多興龐公隱不還

東柯遂疎懶一云放休鑷髻毛斑

東柯好崖谷不與眾峰羣落日邀雙鳥晴天

王集卷之二

玉勾草堂

養一作卷片雲野人矜一作吟險絕水竹會平分

採藥吾將老兒童未遣聞

邊秋陰易久一作夕不復辨晨光簷雨亂淋幔

山雲低度墻鷓鴣窺淺井蚯蚓上深一作高堂

車馬何蕭索門前百草長

地僻秋將盡山高客未歸寒雲多斷續邊日

少光輝警急烽常報傳聞一作聲檄屢飛西戎

外甥國何得近一作逝天威

鳳林戈未息魚海路常難候火雲烽一作峯峻

懸軍幕一作暮井乾風連西極動月過北庭寒

故老思飛將何時一作人議築壇

唐堯真自聖野老復何知驪藥能無婦應門

幸一作亦有兒藏書聞禹穴讀記憶一作悟仇池

為報鴛鴦行舊鷓鴣在一枝

月夜憶舍弟

戍鼓斷人行秋邊一作邊一雁聲露從今夜白



月是故鄉明有弟皆分散一作羈旅無家問死生  
寄書長不避一作堪況乃未休兵

宿贊公房

京中大雲寺主誦此安置

杖錫何來此

一作久

秋風已颯然雨荒深院菊

霜倒半池蓮放逐寧違

一作虧

性虛空不離禪

相逢成夜宿隴月向人圓

東樓

萬里流沙道西征

一云行一云征西

過北

一作此門但

添新戰骨不返舊征魂

一云但添征戰骨不返死生魂樓角

凌風迴城陰帶水

一作雨

昏傳聲看驛使送節

向河源

雨晴

一云秋霽

天水

一云外一云際

秋雲薄從西萬里風今朝好晴

景久雨不妨農塞

一作岸

柳行疎翠山梨結小

紅胡笳樓上發一雁入高空

寓目

一縣蒲萄熟秋山苜蓿多關雲常帶雨塞水  
不成河羌女輕一作搖烽燧胡兒制一作擊駱駝  
自傷遲暮眼喪亂飽經過

山寺

野寺殘僧少山園細路高麝香眠石竹鸚鵡  
啄金桃亂石一作水通人過懸崖置屋牢上方  
重閣晚百里見秋一作纖毫

卽事

聞道花門破和親事却非人憐漢公主生得  
渡河歸秋思拋雲髻一作髻腰支勝一作臄寶衣  
羣凶猶索戰迴首意多違

遣懷

愁眼看霜露寒城菊自花天風隨斷柳客淚  
墮清一作晴笳水淨樓一作城陰直山昏塞日斜  
夜來歸鳥盡啼殺後棲鴉

天河

常時任顯晦秋至輒一作最分明縱被微雲掩  
終能一云當一云輸永夜清含星動雙闕伴月落邊  
城牛女年年渡何曾風浪生

初月

光細一云常時弦豈刊作初上影斜輪未安微升

古塞一作外已隱暮雲端河漢不改色關山

空自寒庭前有白露暗滿菊花團英華作欄

歸鷺

不獨避霜雪其如儔侶稀四時無失序八月  
自知歸春色豈相訪一作誤眾雛還識機故巢  
儻未毀會傍主人飛

擣衣

亦知戍不返秋至拭清砧已近苦一作暮寒月  
况經一作驚長別心寧辭搗熨一作衣倦一寄塞  
垣深用盡閨中力君聽空外音

促織

促織甚微細哀音一作聲何動人草根吟一作冷

不穩牀下夜相親久客得無淚放一作故妻難

及晨悲絲一云絃與急管感激異天真

螢火

幸因腐草出敢近太陽飛未足臨書卷時能  
點客衣隨風隔幔小帶雨傍林微十月清霜  
重飄零何處歸

蒹葭

摧折不自守一云與秋風吹若何暫時花戴一作

載雪幾處一作墮水葉沈波體弱春甲一云風早

叢長夜露多江湖後搖落亦一云只恐歲蹉跎

苦竹

青冥亦自守軟弱強扶持味苦夏蟲避叢卑  
春鳥疑軒墀曾不重剪伐一云亦無辭幸近  
幽人屋霜根結在茲

除架

東薪已零落瓠葉轉一作蕭 疎幸結白  
卷一云  
花了寧辭青蔓除秋蟲聲不去暮雀意何如  
寒事今牢落人生亦有初

廢畦

秋蔬擁霜露豈敢惜凋殘暮景數枝葉天風  
吹汝寒綠沾泥滓盡香與歲時闌生意春如  
昨悲君白玉盤

夕烽

夕烽來不近一作止 每日報平安一云夕烽明  
照灼了了報  
安塞上傳光一云聲 小雲邊落一云數 點殘照秦  
通警急過隴自艱難一云燄銷仍再 聞道蓬  
萊殿千門立馬看一云恐照蓬萊  
殿城中幾道看

秋笛

清商欲盡奏奏苦血霑衣他日傷心極征人  
白骨歸相逢恐恨過故作發聲微不見秋雲  
動悲風稍稍飛

送遠

帶甲滿天地胡爲君遠行親朋盡一哭鞍馬  
去孤城草木歲月晚關河霜雪清別離已昨  
日因見古人情

觀兵

北庭送壯士貔虎數尤多精銳舊無敵邊隅  
今若何妖氛擁白馬元帥待彫戈莫守鄴城  
下斬鯨遼海波

不歸

河間尙征一作戰伐汝骨在空城從弟人皆有  
終身恨不平數金憐俊邁總角愛聰明面上

三年土春一作秋

一作風草吹又生

天末懷李白

涼風起天末君子意如何鴻雁幾時到江湖  
秋水多文章憎命達魑魅喜人過應共冤魂  
語投詩贈汨羅

獨立

空外一鷺鳥河間雙白鷗飄飄搏擊便容易  
往來遊草露亦多濕蛛絲仍未收天機近人  
事獨立萬端憂

日暮

日落風亦起城頭鳥晉作鳥尾訛黃雲高未動  
白水已揚波羌婦語還哭胡兒行且歌將軍  
別換馬一云換駿馬夜出擁彤戈

空囊

翠柏苦猶食晨一云明霞高一云朝可餐世人共  
鹵莽吾道屬艱難不爨井晨凍無衣牀夜寒  
囊空恐羞澁畱得一錢看

病馬

乘爾亦已久天寒關塞深塵中老盡力歲晚  
病傷心毛骨豈殊衆馴良猶至今物微意不  
淺感動一沉吟

蕃劍

致一至一云此自僻遠又非珠玉裝如何有奇怪  
每夜吐光芒虎氣必騰趕一作上龍身寧久藏  
風塵苦未息持汝奉明王

銅瓶

亂後碧井廢時清瑤殿深銅瓶未失水百丈  
有哀音側想美人意應非一作悲寒瑟沈蛟龍  
半跌落猶得折黃金

觀安西兵過赴關中待命二首

四一云西鎮富精銳摧鋒皆絕倫還聞獻一作就

士卒足以靜風塵老馬夜知道蒼鷹饑一作秋

著人臨危經久戰用急一作意始一作使如神

奇兵不在衆萬馬救中原談笑無河北心肝

奉至尊孤雲隨殺氣飛鳥避轅門竟日留歡

樂一作觀樂城池未覺喧

送人從軍



弱水應無地陽關已近天今君渡沙磧累月  
斷人烟好武寧論命封侯不計年馬寒防失  
道雪沒錦鞍韉

野望

清秋望不極迢遞起曾陰遠水兼天淨孤城  
隱霧深葉稀風更落山迴日初沉獨鶴歸何  
晚昏鴉已滿林

示姪佐

佐草堂在東柯谷

多病秋風落君來慰眼前自聞茅屋趣只想  
竹林眠滿谷山雲起侵籬澗水懸嗣阮一云宗  
諸子姪早覺仲容賢

佐還山後寄三首

山晚浮

黃一云

雲合歸時恐路迷澗寒人欲到

村黑鳥應棲野客茅茨小田家樹木低舊譜  
疎懶叔須汝故相攜

白露黃梁熟分張素有期已應春得細頗覺

寄來遲味豈同金一作甘菊香宜配綠葵老人

侘日愛正想滑流匙

幾道泉澆圃交橫落慢或作慢坡歲蕤秋葉少

一作小一作菜色隱映野雲多隔沼連香艾通林帶

女蘿甚聞霜薤白重惠一云薦意如何

從人覓小胡孫許寄

人說南州路山猿樹樹懸舉家聞若駭一云共愛

為寄小如拳預晒愁胡面初一作何調見馬鞭

許求聰慧者童稚捧應癩

秋日阮一作陳隱居致薤三十束

隱者柴門一云荆內畦蔬繞舍秋盈筐承露薤

不待致書求東比青芻色圓齊玉筍頭衰年

關鬲冷味煖併一作腹無憂

秦州見勅一云除目薛三璩當刊作據授司議

郎畢四曜除監察與二子有故遠喜遷

官兼述索居凡三十韻

大雅何寥濶一作廓斯人尚典刑交期余潦倒

材力爾精靈二子聲同日諸生困一經文章

開笑一作笑吳一作吳遷擢潤朝廷舊好何由

展新詩更憶聽別來頭併白相見眼終青伊

昔貧皆甚同憂心一作歲不寧栖遑分半菽浩

蕩逐流萍俗態猶猜忌一作忍妖氛忽一作遂杳

冥獨慙投漢閣俱一作但議哭秦庭還蜀祇無

補囚梁亦固局華彝相混合宇宙一羶腥帝

力收三統天威總四溟舊都俄望幸清廟肅

惟馨雜種雖一作難高壘一作壁長驅甚建瓴焚

香淑景殿漲水望雲亭法駕初還日羣公若

會星宮臣仍點染柱史正零丁官忝趨棲鳳

朝迴歎一作欲聚螢喚人看驥裏不嫁惜娉婷

掘劍知埋獄提刀見發硎侏儒應共飽漁父

忌偏醒旅泊窮清渭長吟望濁涇羽書還似

急烽火未全停師老資殘寇戎生及近邗忠

臣辭憤激烈士涕飄零上一云將盈邊鄙元

勳溢鼎銘仰思調玉燭誰定握一作青萍隴

俗輕鸚鵡原情類鵲鶴秋風動關塞高卧想

儀形

寄彭州高三十五使君適虢州岑二十

七長史參三十韻時忠 癯病

故一作人何寂寞今我獨淒涼老去才難一作

雖一作盡秋來興甚長物情尤可見辭客未能忘

海內知名士雲端各異方高岑殊緩步沈鮑

得同樊作 周行意愜關飛動篇終接混茫舉天

悲富駱近代惜盧王似爾官仍貴前賢命可

傷諸侯非棄擲半刺已翱翔詩好幾時見書

成無信一作 使將男兒行處是客子鬪一作 身

強羈旅推賢聖沉綿抵咎殃三年猶瘧疾一

鬼不一作 未銷亡隔日搜脂髓增寒抱雪霜徒

然潛隙地有覩屢鮮粧何太龍鍾極于今出

處妨無錢居帝里盡室在邊疆劉表雖遺恨  
龐公至死藏心微傍魚鳥肉瘦怯豺狼隴草  
蕭蕭白洮雲片片黃彭門一作劍閣外號略  
鼎湖旁荆玉簪頭冷巴賤染翰光烏麻蒸續  
驪丹橘露應嘗豈異神仙宅俱兼山水鄉竹  
齋燒藥竈花嶼讀書牀更得清新否遙知對  
屬忙舊官寧改漢淳俗本歸一云唐濟世宜  
公等安貧亦士常蚩尤終戮辱胡羯漫猖狂

會待祇氛靜

一云滅

論文暫裹糧

寄岳州賈司馬六丈巴州嚴八使君兩  
閣老五十韻

衡岳啼猿裏巴州鳥道邊故人俱不利一作別

謫宦兩悠一作茫

一作茫

然開闢乾坤正

一作大

榮枯雨

露偏長沙才子遠釣瀨客星懸憶昨趨行殿  
殷憂捧御筵討胡愁李廣奉使待張騫無復  
雲臺仗虛修水戰船蒼茫城七十流落劔三

千畫角吹一作秦晉塞旄頭俯澗澗小儒

輕董卓有識笑苻堅浪作禽填海那將血射

天萬方思助順一鼓氣無前陰散陳倉北晴

熏太白巔亂麻屍積衛破竹勢臨燕法駕還

雙闕王師下八川此時霑奉引佳氣拂周旋

貔虎開金甲一作麒麟受玉鞭侍臣諳入仗

鹿馬解登仙花動朱樓雪城凝碧樹烟衣冠

心慘愴故老淚潺湲哭廟悲風急朝正霽景

鮮月分梁漢米春得一作水衡錢內蘂繁干

纈宮莎一作軟勝綿恩榮同拜手出入處

最隨肩晚著華堂醉寒重繡被眠纏齊兼秉

燭書枉滿懷賤每覺昇元輔深期列大賢秉

鈞方咫尺鍛翻再聯翩禁掖朋從改一作微

班性命全青蒲甘受一作戮白髮竟誰憐弟

子貧原憲諸生老伏一作虔師資謙未達鄉

黨敬何一作先舊好腸堪斷新愁眼欲

穿翠乾危棧竹紅膩小湖池一作蓮賈筆論孤

憤嚴詩賦幾篇定知深意苦一作好莫使眾人

傳貝錦無停織朱絲有斷絃浦鷗防碎首霜

鶻不空拳地僻昏炎瘴山稠隘石泉且將基

度日應用酒為年典郡終微眇治中實棄捐

安排求傲吏比興展歸田去去才難得蒼蒼

理又元古人稱逝矣吾道卜終焉隴外翻投

跡漁陽復控弦笑為妻子累甘與歲時遷親

故行稀少兵戈動接聯他鄉饒夢寐失侶自

述遭多病加一作成淹泊長吟阻靜便如公盡

雄俊志在必騰騫一云公如盡憂患何事有陶甄樊云如公盡雄俊何

事負陶甄

### 寄張十二山人彪三十韻

獨卧嵩陽一作雲客三違潁水春艱難隨老母

滲澹向時人謝氏尋山展陶公漉酒巾羣兒

彌宇宙此物在風塵歷下辭姜被關西得孟

鄰早通交契密晚接道流新靜者心多妙云一

好先生藝絕倫草書何太苦一云應甚苦詩興不

無神曹植休前輩張芝更後身數篇吟可老

一字買堪貧將恐曾防寇深潛一作情託所親

寧聞倚門夕盡力潔俸晨疎懶為名誤驅馳

喪我真索居猶一作尤寂寞相遇益悲一作酸吳作愁

辛流轉一云轉徙依邊徼逢迎念席珍時來故舊

少亂後別離頻世祖修高廟文公賞從臣商

山猶入楚渭水不離一作知秦刊作湍水不流秦存想

青龍秘騎行白鹿馴耕巖非谷口結草即一作

欲河濱肘後符應驗囊中藥未陳旅一作放懷

殊不愜良覲渺無因自古皆悲恨浮生有屈

伸此邦令一作全尚武何處且依仁鼓角凌天

籟關山信樊作倚月輪官場一作壕羅鎮一作錦磧

賊火近洮岷蕭瑟論兵一作功地蒼茫鬪將辰

大軍多處所餘孽尚紛綸高興知籠鳥斯文



起一作豈獲麟窮秋正搖落迴首望松一作湘筠

寄李十二白二十韻

昔年有狂客號爾謫仙人筆落驚一作聞風雨

詩成泣鬼神聲名從此大泪沒一朝伸文彩

承殊渥流傳必絕倫龍舟移棹晚獸錦奪袍

新白日來深殿青雲滿後塵乞歸優詔許遇

我宿心親未負一作遂幽棲志兼全寵辱身劇

一作戲談憐野逸嗜酒見天真醉舞梁園夜行

歌泗水春才高心不展道屈善無鄰處士禰

衡俊諸生原憲貧稻梁求未足蕙苒謗何頻

五嶺炎蒸地三危放逐臣幾年遭鵬鳥獨泣

一作立向麒麟一云不獨泣麒麟蘇武先還漢黃公豈

事秦楚筵辭醴日梁獄上書辰已用當時法

誰將此義一作議陳老吟秋月下病起暮江濱

莫怪恩波隔乘槎與一作得問津

